

Naligiimmik Pinninnissaq Pillugu Aalajangiisartut ukiumut nalunaarutaat 2025

Aallaqqaasiut

Naligiissitaaneq assigiinngisitsinnginnissarlu pillugit Inatsisartut inatsisaat nr. 36, 4. juuni 2024-meersumi § 33 naapertorlugu Naligiimmik Pinninnissaq Pillugu Aalajangiisartut ukiumoortumik nalunaarut Naalakkersuisunut nalunaarutigaat. Nalunaarut ukioq ilivitsaq malippaa aamma Naligiimmik Pinninnissaq Pillugu Aalajangiisartut suleriaasiata nassuiaataat, naammagittaalliutit tigusaneqartut naammassineqarnikullu naatsorsueqqissaarnerisa takussutissaannik imaqarpoq.

Nalunaarut Naligiimmik Pinninnissaq Pillugu Aalajangiisartut nittartagaanni takuneqarsinnaavoq: www.aua.gl.

Ukiumut nalunaarut pappialanngorlugu imaluunniit assilineqarnera isumaqatigiissusiornikkut Naligiimmik Pinninnissaq Pillugu Aalajangiisartut allattoqarfiata nassiussinnaavaat.

Naligiimmik Pinninnissaq Pillugu Aalajangiisartut allattoqarfia ukunani attavigineqarsinnaavoq:

Imaneq 29, 1. sal

Postboks 689

3900 Nuuk

Oqa: 32 80 33, nal. 10-15

E-mail: aua@nanoq.gl

Naligiimmik Pinninnissaq Pillugu Aalajangiisartut inatsisitigut toqqammavia

Naligiimmik Pinninnissaq Pillugu Aalajangiisartut piginnaatitaaffiat Naligiissitaaneq assigiinngisitsinnginnissarlu pillugit Inatsisartut inatsisaat nr. 36, 4. juuni 2024-meersumi kingusinnerusukkullu allannguuteqartinneqartumi, § 21-mi alajangersarneqarnikuuvoq. Suliami aaliangersimasumi aamma inatsisitigullu attuumassutilimmik soqutigisaqartumit (retlig interesse) Naligiimmik Pinninnissaq Pillugu Aalajangiisartunut maalaaruteqartoqarsinnaavoq.

Naligiimmik Pinninnissaq Pillugu Aalajangiisartut pillugit paasissutissat nalinginnaasut

Naligiimmik Pinninnissaq Pillugu Aalajangiisartut politikkikkut attuumassuteqanngitsumik aalajangiisartuupput.

Taamaattumik Naligiimmik Pinninnissaq Pillugu Aalajangiisartut, suliat ataasiakkaat qanoq suliarineqarnissaat pillugit oqartussanit allaniillu qanoq suleriaaseqarnissamik ilitserneqarnissamik oqaaseqaateqarfigineqarnissamillu pineq ajorput.

Naligiimmik Pinninnissaq Pillugu Aalajangiisartut suliassaasa ilagaat ataani allaqqasut pillugit naligiinngissitaanermik suliani aalajangiissuteqartarput:

- Suiaassuseq
- Naartuneq
- Meeravissiartaarneq
- Erninermi sulinngiffeqarneq
- Kinguaassiutitigut sammivik
- Suiaassutsini kinaassuseqarneq
- Suiaassutsimik takutitsineq
- Suiaassutsit ilisarnaataa
- Kingoqqiffik
- Ammip qalipaataa
- Inuiaqatigiinni pinngorfik, inooqatigiinnermi pinngorfik, inuianni pinngorfik
- Innarluuteqarneq
- Ukioqqortussuseq
- Politikikkut isiginnittaaseq
- Upperisaq
- Upperisaqarneq

Naligiimmik Pinninnissaq Pillugu Aalajangiisartut aalajangiissutai allaffissornikkut oqartussanut allanut naammagittaalliuutigineqarsinnaanngillat, eqqartuussivimmulli suliassanngortinneqarsinnaallutik.

Tamanna isumaqarpoq, innuttaasooq tunngaveqanngitsumik naligiinngitsumik pineqarsimaguni innuttaasooq Naligiimmik Pinninnissaq Pillugu Aalajangiisartunut naammagittaalliuuteqarsinnaasooq. Naligiimmik Pinninnissaq Pillugu Aalajangiisartut aalajangiissutaat immikkuullarissut, tassa inuiaqatigiilerinnermi inatsisitigut toqqammavittut atorineqarsinnaasut saqqummiussisarput. Taamaaliornikkut Naligiimmik Pinninnissaq Pillugu Aalajangiisartut, sumiluunniit nunatsinni najugaqaraluaraanni naammaginartunik eqqortunillu aalajangiissuteqartoqartarnissamik qulakkeerinninneq peqataaffigaat.

Aalajangiisartut katiterneqarnerat

Naligiimmik Pinninnissaq Pillugu Aalajangiisartut ataatsimik siulittaasoqarput, sisamanillu ilaasortaqlutik.

Siulittaasoq inatsisilerinikkut ilinniagartuutut angusilluni soraarummeersimassaaq, ilaasortallu allat Naligiissitaaneq assigiinngisitsinnginnissarlu pillugit inatsisit malillugu suliarisartagaanni sammineqartuni ataatsimi arlalinniluunniit uppersarnerneqartumik suliani aaliangersimasuni qaffasissumillu ilisimasaqassapput, taamaasillutik aalajangiisartut tamarmiullutik inatsimmi suliat assigiinngitsut taaneqartut tamaasa ilisimasaqarfigilluarneranik kinguneqartumik.

Siulittaasoq:

Kirsten Thomassen

Ilaasortat:

Qillaq Ilannguaq Olsen

Ditte Enemark Sølbeck

Lise Mørup Dalsgaard

Poul Erik Munk Pedersen

Ilaasortat ulloq 1. juuli. 2024-miit ulloq 30. juuni 2027-p tungaanut atuuffeqartussanngorlugit toqqarneqarnikuupput.

Naligiimmik Pinninnissaq Pillugu Aalajangiisartut suliai

2025-mi Naligiimmik Pinninnissaq Pillugu Aalajangiisartut aalajangiissutaat ima isikkoqarput:

	Suliassanngortitat	Naammassineqartut	NSI*	Misissorneqarlutik suliarineqartut
2025	4	3	2	1

**SI: naammagittaalliuutip suliarineqarnissaanut itigartinneqartut*

Ukiumi 2025-mi Naligiimmik Pinninnissaq Pillugu Aalajangiisartut allattoqarfiata suliat sisamat suliassanngortinneqartut tiguaat, suliallu pingasut naammassillugit. Suliami ataatsimi, misissuineramik sullissisoqarpoq (realitetbehandle) taavalu suliat marluk aalajangiisartut inatsisigut suliarinninnissaminnik piginnaaneqannginnamik, naammagittaalliuutip suliarineqarnissaanut itigartinneqarsimallutik. Suliaq 2025-mi tiguneqarnikoq ukiumut 2026-mut nuunneqarpoq (tassa suli suliarineqarpoq).

Naligiimmik Pinninnissaq Pillugu Aalajangiisartut allattoqarfiat

Allattoqarfiup Naligiimmik Pinninnissaq Pillugu Aalajangiisartut allattoqarfiata ingerlanera isumagaa. Allattoqarfik Atuisortaqarnermut Unammilleqatigiinnermullu Aqutsisoqarfiup ataaniippoq.

2025-mi allattoqarfik 1-2-nik inatsisileritooqarpoq, 2-3-nillu allaffimmiunik sulisoqarluni.

Allattoqarfiup suliarisartagai:

- Naammagittaalliuutit tigunerisa uppersarneri
- inatsisitigut piginnaaneqannginneq peqqutaalluni suliarinninnissamik itigartitsinerit
- Paasissutissanik aallerneq
- Sulianik piareersaaneq
- Aalajangiisartut ataatsimiinnissanut pilersaaruserit
- Aalajangiisartut ataatsimiinnerisa imaqarniliornerisa suliarit
- Aalajangiissutit nassiussinerit
- Aalajangiissutit immikkuullarissut nittartakkatigut tamanut saqqummiunneri